

CELEBRACION DI 50 AÑA DI FILOMENA COLLEGE BASIS



ORANJESTAD (AAN): Relaciona cu e fiesta aki, Maestronan y Comision di Mayoman a organiza un encuentro cu ex-alumno- y ex-maestronan e siman aki.

Tabata tin un brindis y un exposicion di articulonan cu den curso di e 50 añanan a worde usa na e school. Tambe tabata tin hopi foto y album di poesia di prome den e exposicion.

Filomena College tabata un school basico di hopi hende cu awe tin un posicion clave den comunidad. Asina por menciona cu hopi alumno di e school aki a bira juffrouw of meneer y a duna les eyan como maestro.

For di Filomena College Basis tambe a sali alumnonan cu a bira e.o. e prome Huez femenino, prome manager di un Hotel, pero tambe hopi otro, manera politico, periodista, varios docter, y asina por sigui menciona.

A toca honor na Juffrouw Edna de Lange-Nicolaas, persona cu a duna les pa 36 aña na e school, y tambe na Juffrouw Pearl Henry cu di su 40 aña como juffrouw, 25 aña e ta activo na e school aki ainda.... pa habri e exposicion.


Esaki a sosode despues di un discurso elocuente di Meneer Karel Nicolaas, ca-bezante di Filomena College

Basis.

Algun juffrouw y meneer cu den curso di aña a duna les pa hopi tempo na e school, a worde honra cu un 'mug' riba cual tin nan emblema y himno di school.

Entre otro por menciona juffrouw Raquel Emanuel (alumna desde 1948 y despues juffrouw); juffrouw Emma Muller, juffrouw Nicoline Bislip, juffrouw Marcel, juffrouw Edna Janga, juffrouw Mirtha Everts, juffrouw Lupita, juffrouw Maria Pourier, juffrouw Jenny Diaz, y algun oro cu no por tabata presente pa motibo di salud.

Riba e combinacion di fotonan aki por mira parti di e exposicion.



**MANEHA CU CUIDAO YA CU BO FAMILIA
TA WARDABO NA CAS** *Mesahe di DIARIO*